



PROPOZICIJE

ZENIČKOG ORIJENTACIONOG TAKMIČENJA

ZOT2017

07 - 09. 04. 2017.

O našem gradu

Zenica, administrativno sjedište Zeničko-dobojskog kantona, leži u centralnom dijelu Bosne i Hercegovine, baš kao zjenica oka, po čemu je, neki kažu, i dobila svoje lijepo i toplo ime. U posljednjih 100 godina je simbol ovog pitomog grada postala crna metalurgija i Željezara, u njoj prelijepoj kotlini izgrađen je čelični grad poput oličenja novog industrijskog svijeta. Ipak, u dušama Zeničana se zadržao vijekovima prenošeni osjećaj za ljepotu i tradiciju, koji zajedno s poslovičnim humorom i prirodnom vedrinom čini ove ljude zanimljivim sagovornicima i gostoljubivim domaćinima. Zenica je danas univerzitetski centar, grad muzike i teatra, sporta i mnogo čega još. Zenica se danas i pored crne metalurgije smatra eko gradom i gradom prelijepih i velikih parkova.

Zenica broji oko 140 000 stanovnika.



U SUSRET PROLJEĆU

Izviđačko eko-takmičenje «U susret proljeću» se već 12 godina uspješno održava u našem gradu. Ono je postalo tradicija zeničkih izviđača, pogotovo mlađih izviđača i planinki, jer je ovo njihov dan - dan kada se oni u zdravom izviđačkom duhu nadmeću, takmiče, ali i dan kada se druže, upoznaju nove prijatelje i sklapaju nova prijateljstva, koja ostaju kao najtrajnija i neizbrisiva, vjerujemo ugodna uspomena.

Ovo takmičenje smo otvorili i za eko-sekcije svih osnovnih škola Zenice, te im poželjeli dobrodošlicu u našu izviđačku porodicu, tako da i ove, kao i prošlih godine, takmičenje organizujemo u dvije konkurencije – za mlađe izviđače sa učesnicima iz cijele države i zemalja okruženja i za eko-sekcije osnovnih škola grada Zenica.

ZOT2017

ZENIČKOORIJENTACIONOTAKMIČENJE

U isto vrijeme, uz organizaciju takmičenja u okviru «U susret proljeću», organizujemo i takmičenje za starije izviđače pod nazivom Zeničko orijentaciono takmičenje ZOT. Ove godine je to 4. po redu i radujemo se dolasku naših drugara izviđača iz cijele regije.

Savez izviđača grada Zenica vas poziva da se s našim članovima družite, takmičite, da zajedno, svojim osmjesima i znanjem pokažemo čvrstu volju da prirodi vratimo ono što nam ona tako svesrdno pruža, i da se u svemu tome dobro zabavimo!

Ovo je ujedno jedna u nizu aktivnosti obilježavanja 65 godina izvidništva u Zenici.



Humanost na djelu

Ima ljudi koji imaju malo, a daju sve što imaju. Takvi ljudi vjeruju u život i životno blago, i njihove škrinje nikada nisu prazne.

Gibran

Izviđačko srce je jedna bogata škrinja uvijek spremna pomoći onome kome je potrebno. Našem Seji, starješini Ol "Smet", trebamo mi, njegovi vjerni drugovi izviđači, koji u grudima nose dobru dušu, onu dušu koja zna da se zajedništvom može prebroditi svaka nedaća, pa i ova koja je zadesila Seju, ali i sve nas koji ga volimo i poštujemo.

Udružimo snage i još jednom pokažimo svima da smo mi izviđači posebni ljudi.

Molimo Vas da u okviru svojih mogućnosti donirate onoliko koliko možete. Vašu donaciju spremljenu u kovertu ubacite u za to namjenjenu kutiju pri prijavi ekipa.

Iskreno Vam se zahvaljujemo na nesebičnoj pomoći.

Program takmičenja:

Zeničko orijentacijsko takmičenje je ekipno takmičenje izviđača i planinki. Takmičenje se odvija po programu koje je odobrilo predsjedništvo Saveza izviđača grada Zenica. Ovim takmičenjem se razvija snalažljivost, stiču i provjeravaju znanja potrebna za preživljavanje u prirodi, orijentaciju na nepoznatom terenu, razmjenom stečenog iskustva između učesnika takmičenja produbljuju se prijateljstva, zajedništvo i saradnja, te upoznaju različiti krajevi domovine, njeni ljudi i običaji.

Cilj takmičenja je da ekipa u zadanom vremenu, krećući se po nepoznatom terenu uz upotrebu topografske karte, savlada sve zadatke koji su programom predviđeni, a to postižu zajedničkim radom, koristeći svoja znanja i vještine, .

Organizacija „ZOT“-a se odvija na međunarodnom nivou.

Učestvovanje na takmičenju:

- Na ZOT-u učestvuju ekipe izviđača i planinki koje moraju brojati najmanje 4 člana uključujući i vođu ekipe (dozvoljeno je učešće i ekipama sa 5 članova). Pravo učešća imaju članovi koji u kalendarskoj godini u kojoj se ZOT održava navršavaju od 15 do 30 godina starosti.
- Starost takmičara se utvrđuje izviđačkom članskom iskaznicom i jednom od važećih službenih ličnih isprava sa fotografijom.
- Ekipe čiji su članovi stariji od predviđenog, takmičiće se van konkurencije.
- U slučaju da je u ekipi samo jedna punoljetna osoba, može se odstupiti od predviđene gornje starosne granice, maksimalno do 5 godina.
- ZOT se organizuje u jednoj kategoriji, i ekipe su mješovitog, odnosno muško-ženskog sastava. Odnos muško-ženskih članova mora biti u nekom od ovih odnosa 2+2, 3+2 ili 2+3. Odstupanje od sastava sankcioniše se -20% od ukupnog broja bodova za svakog ženskog člana koji nedostaje.
- Takmičari moraju biti ljekarski pregledani i osigurani u osiguravajućem društvu za ovakvu vrstu aktivnosti, u suprotnom dužni su pismeno podnijeti izjavu o učestvovanju na takmičenju na vlastitu odgovornost, ovjerenu od strane Odreda. Maloljetne osobe koje nisu ljekarski pregledane, te one koje nisu osigurane u osiguravajućem društvu, moraju posjedovati pismeno odobrenje roditelja ili staratelja (skrbnika) uz ovjeru Odreda u kojem se organizator takmičenja oslobađa bilo kakve odgovornosti za vrijeme izvođenja takmičenja. U slučaju da takmičari ne posjeduju zahtjevane dokumente, Štab takmičenja im može zabraniti učestvovanje.
- Svaki takmičar mora imati važeću zdravstvenu knjižicu i izviđačku člansku knjižicu. Osobe starije od 18 godina moraju imati i ličnu kartu.
- Detaljne propozicije će se nalaziti na svakoj kontrolnoj stranici, a mogu se pogledati na stranici Saveza izviđača grada Zenica www.sigze.org

KOTIZACIJA:

Kotizacija za takmičenje iznosi 5 KM po članu ekipe i odnosi se i na pratiocima ekipe. Uplaćuje se na žiro račun Saveza izviđača grada Zenica ili gotovinski po dolasku na takmičenje.

Broj žiro računa je 1340100000095762 kod Asa Banka dd Sarajevo

PREDZADATAK:

Svaka ekipa treba donijeti izviđačku maramu i amblem svog odreda, marama i amblemi će krasiti prostorijame SIGZ-a. Predzadatak se boduje sa 25 bodova.

PRIJAVA PATROLA:

Patrole koje žele učestvovati na ZOT-u trebaju poslati ovjerene prijave do ponedjeljka 31. 03. 2017. godine.

Prijave slati na:

e-mail adresu - zot@sigze.org (originalne ovjerene prijave ponijeti sa sobom)

adresu:

Savez izviđača grada Zenica
Maršala Tita 20
72000 Zenica
Bosna i Hercegovina,

Ekipe koje do navedenog datuma (za poštanske pošiljke važeći je poštanski žig) dostave prijave, za pravovremenost prijavljivanja će dobiti 50 bodova.

SATNICA TAKMIČENJA:

Petak 07. 04. 2017.

Dolazak ekipa koje zbog udaljenosti ne mogu organizovati dolazak 08. 04. 2017. do 08:30
Vrijeme i način dolaska javiti organizatoru putem prijave.

Subota 08. 04. 2017.

do 08:30 Dolazak i prijava svih ekipa Plato Gradske Arene
09:00-09:10 Postrojavanje ekipa i otvaranje takmičenja
09:15-10:00 Konstrukcija staze i start
10:00-19:30 Predviđeno vrijeme za stazu
19:30-20:30 Večera
21:00-22:30 KZP (kulturno zabavni program)
23:00 Povečerje

Nedjelja 09. 04. 2017.

08:00 Ustajanje
08:00-09:00 Doručak
11:00 Proglašenje pobjednika i zatvaranje takmičenja

OPREMA:

Kolektivna i lična oprema se boduju. Ekipe kolektivnu i ličnu opremu (izuzev vreća za spavanje) nose na stazu.

KOLEKTIVNA OPREMA - OBAVEZNA:

- Pripručna apoteka (prva pomoć)
- busola
- topografski pribor,
- dva para signalnih zastavica,
- mezban
- šator
- ruksak

LIČNA OPREMA - OBAVEZNA:

- izviđačka knjžica,
- uniforma (košulja i marama),
- lična karta (stariji od 18 godina),
- baterijska lampa,
- vreća za spavanje,

LIČNA OPREMA - PREPORUČENA:

- kišna kabanica
- čvrsta obuća

Zadaci takmičenja:

1. Konstrukcija staze

Ucrtati kontrolne tačke (u daljem tekstu KT) prema zadatku na TK 1:25000. Smatra se da je KT tačno ucrtana ukoliko se nalazi u u krugu poluprečnika 2 mm, a čiji je centar KT određena zadatkom. Tačnost određuju članovi takmičarske komisije. Maksimalan rok za izradu ovog zadatka je 60 minuta koje ulaze u predviđeno vrijeme za stazu. Netačno ucrtane ili neucrtane KT označit će član takmičarske komisije nakon čega patrola može krenuti na stazu.

2. Prelazak staze i pronalazak KT zadanim redom

Ekipa je dužna pronaći sve KT na terenu zadanim redom. Sve kontrolne su "žive" i povezane sa štabom akcije sredstvima veze.

3. Zaobiđi prepreke i ucrtaj put

Ekipa će pronaći put zaobilazeći vidljive prepreke krećući se u koloni. Minimalan broj dužina za prolazak dobit će na licu mjesta od kontrolora. Po prolasku ekipa će ucrtati put u zadanoj razmjeri.

4. Skica KT

Na određenoj KT nacrtati skicu terena u zadanoj razmjeri i radijusu.

5. Kroki KT

Na određenoj KT nacrtati kroki terena u zadanoj razmjeri i radijusu.

6. Skica dijela puta

Nacrtati skicu dijela puta između dvije KT u zadanoj razmjeri.

7. Profil terena

Nacrtati profil terena u zadanoj razmjeri između dvije zadatkom određene tačke.

8. Signalizacija

Prenijeti poruku od 30 znakova "semaforom" u roku od 1 minuta. Ova poruka se prenosi zastavicama na određenoj KT.

Prenijeti poruku od 30 znakova "morzeom" u roku od 2.5 minuta. Ova poruka se prenosi svjetlosnim signalima na cilju van vremena za stazu.

9. Prva pomoć (praktično)

Ekipa će na jednoj od KT dobiti zadatak koji je dužna da izvrši prije dolaska na slijedeću KT koristeći priručna sredstva i komplet prve pomoći. Na slijedećoj KT će izvršeni zadatak biti pregledan.

10. Test

Test se sastoji iz poznavanja: a) izviđačke organizacije; b) izviđačkih znanja i vještina; c) prve pomoći. Iz svake oblasti postavlja se po 5 pitanja na koja ekipa odgovara pismenim putem na određenoj KT.

11. Usmena poruka

Na određenom dijelu staze prenijeti poruku izviđačkog kurira. Poruku prenosi cijela ekipa prema uputama.

12. Brzinska etapa

Ekipa prolazi brzinsku dionicu orijentacijske staze između dvije zadatkom određene susjedne KT.

Vrijeme brzinskog prelaska staze je vrijeme proteklo od trenutka otpuštanja ekipe od strane kontrolora na početnoj KT do trenutka dolaska ekipe i prijave kontroloru na ciljnoj KT.

Napomene:

- Ekipe koje dolaze na takmičenje su dužne doći na mjesto okupljanja do zadanog vremena koje organizator odredi. Po dolasku ekipe na mjesto takmičenja, vođa ekipe obavještava takmičarsku komisiju o dolasku ekipe, daje na uvid članske knjižice, lične karte (za punoljetne osobe), predaje ovjerenu prijavu (sastav ekipe i izjavu Odreda), potvrdu o uplati kotizacije (ili uplaćuje kotizaciju prilikom prijave).
- U toku izvršenja zadataka i prelaska staze ekipe ne smiju upotrijebiti nikakvo prevozno sredstvo za sebe ili za opremu koju nose. Ne pridržavanje ove odredbe povlači diskvalifikaciju ekipe sa takmičenja.

- Ekipe koje nemaju punoljetnog člana dolaze na takmičenje sa punoljetnim odgovornim pratiocem koji nije član ekipe. Ako nemaju punoljetnog člana, na više ekipa iz istog Odreda koje učestvuju na takmičenju određuje se samo jedan punoljetni pratilac, kojem organizator osigurava smještaj kao i takmičarima. Organizator nije dužan primiti na takmičenje više od jednog punoljetnog pratioca iz jednog Odreda.
- U slučaju da na takmičenju učestvuje više ekipa iz jednog grada (mjesta) koje nisu sve iz istog Odreda izviđača, a u svom sastavu nemaju punoljetnog člana, dozvoljava se da jedan punoljetni pratilac prati te ekipe iz tog grada (mjesta), ukoliko mu matični Odredi dodijele punomoć kao i ostalu potrebnu dokumentaciju.
- Pratioci ekipa koji nisu u sastavu ekipa, ne smiju komunicirati s ekipama od momenta dobivanja zadataka do konačne predaje zadataka takmičarskoj komisiji.
- Tokom takmičenja zabranjena je upotreba elektronskih i optičkih naprava (osim priručnog kalkulatora), i svih pomagala koja ne spadaju u standardnu opremu za takmičenje. Kršenje ove odredbe povlači diskvalifikaciju ekipe sa takmičenja.
- Zabranjena je upotreba nedozvoljenih stimulativnih sredstava, te konzumacija droge i alkohola. Nepoštivanje ove odredbe povlači diskvalifikaciju i udaljavanje ekipe sa takmičenja.
- Svako neodobreno i neopravdano napuštanje prebivališta od strane članova ekipe će se bodovno kazniti.
- Svi radovi osim testova predaju se na cilju zajedno sa kontrolnom listom ekipe i kartom terena. Radovi se mogu crtati samo na papirima ovjerenim od strane organizatora. Svi radovi načinjeni na neovjerenim papirima ne boduju se. Organizator je dužan osigurati dovoljan broj ovjerenih papira za izradu zadataka. Svi papiri moraju biti A4 formata.
- Po dolasku na KT ekipa se mora prijaviti kontroloru ili ne smije boraviti na KT u krugu od 50 metara. Na KT na kojima se izrađuju radovi u ograničenom vremenu ne smiju biti zadane druge dodatne discipline.
- Svako nedolično ponašanje za sobom povlači i određene sankcije (diskvalifikacija ili određeni broj negativnih bodova).

ŠTAB ZOT-a:

Dragan Ivanković-Danga, načelnik takmičenja
Mehica Lejla
Mujčinović Dženana
Serdarević Emir
Baručija Haris

INFORMACIJE I KONTAKTI:

zot@sigze.org

Ivanković Dragan-Danga
idanga@sigze.org
+ 387 61 402 209

PRIJAVNI LIST ZOT2017

PATROLA _____

ODRED IZVIĐAČA _____

MJESTO _____

ČLANOVI PATROLE:

1. _____

2. _____

3. _____

4. _____

5. _____

VOĐA PUTA _____

(IME I PREZIME)

(GODINA ROĐENJA)

EKIPA U ZENICU DOLAZI: _____

(VRIJEME I NAČIN DOLASKA-PREVOZNO SREDSTVO)

Izjava

Uprava odreda potvrđuje da je izvršila razgovor sa punoljetnim članovima patrole i sa roditeljima maloljetnih članova i utvrdila slijedeće:

- Takmičari su ljezarski pregledani za ovakvu vrstu aktivnosti ili
- osigurani u osiguravajućem društvu za ovakvu vrstu aktivnosti ili
- Punoljetni takmičari su samostalno, a za maloljetne takmičare su izjave dali njihovi roditelji ili staratelji (skrbnici) kojim se organizator oslobađa odgovornosti za vrijeme izvođenja takmičenja i odobrava učestvovanje takmičara na takmičenju (u slučaju da takmičari nemaju obavljen ljezarski pregled i ne posjeduju osiguranje za ovakvu vrstu aktivnosti)
- Učesnici odnosno, njihovi roditelji ili staratelji (za maloljetne članove) saglasni su da se video i foto zapisi načinjeni tokom trajanja takmičenja mogu koristiti za potrebe prezentacije i promocije rada izviđačke organizacije bez traženja prethodne saglasnosti za svaku upotrebu tog materijala ponaosob.

za upravu Odreda:

M.P.